

南華真經

九

糶 古邁反

趣遠

鈞 音

憚 丹求反

制 諸設反 應作游

輅 七全反

迹 敵

邪對曰我東海之波臣也君豈有斗升
 之水而活我哉周曰諾我且南遊吳越
 之王激西江之水而迎子可乎鮒魚忿
 然作色曰吾失我常與我无所處吾得
 斗升之水然活耳君乃言此曾不如早
 索我於枯魚之肆此言當理无小苟其不當雖大何益任公子為
 大鈞巨緇五十糶以為餌蹲乎會稽投
 竿東海旦旦而釣期年不得魚已而大
 魚食之牽巨鈞鉤沒而不驚揚而奮鬚
 白波若山海水震蕩聲侔鬼神憚赫千
 里任公子得若魚離而腊之自制河以
 東蒼梧已北莫不厭若魚者已而後世
 輅才諷說之徒皆驚而相告也夫揭竿
 累趨灌瀆守鯢鮒其於得大魚難矣飾
 小說以干縣令其於大達亦遠矣是以
 未嘗聞任氏之風俗其不可與經於世
 亦遠矣此言志趣不同故經世之宜小大各有所適也儒以詩禮發冢大
 儒臚傳曰東方作矣事之何若小儒曰
 未解裙襦口中有珠詩固有之曰青青
 之麥生於陵陂生不布施死何含珠為

鈞 本

驚 本

卷之五 卷之六 卷之七 卷之八 卷之九 卷之十

張本作拾薪

矜鷺

接其鬚摩其顙儒以金椎控其頤徐別

其頰无傷口中珠詩禮者先王之陳迹也苟非其人道不虛行故夫儒者乃有用之為數則

迹不足恃也老萊子之弟子出薪遇仲尼反以

告曰有人於彼脩上而趨下長上而促下也末僂

而後耳耳却近後而上僂視若營四海視之儻然似營他人事者不知

其誰氏之子老萊子曰是丘也召而來

仲尼至曰丘去汝躬矜與汝容知斯為

君子矣謂仲尼能遺形去知故以為君子仲尼揖而退受其言也感然

改容而問曰業可得進乎設問之令老萊明其不可進老萊

子曰夫不忍一世之傷而鰲萬世之患

一世為之則其患萬世為患故不可輕也抑固當要邪亡其略弗及邪直任之則

民性不窶而皆自有略无弗及之事也惠以訖人為鰲終身之醜惠之而歡者无惠則

醜矣然惠不可長故一惠終身醜也中民之行進焉耳言其易進則不可妄惠之相

引以名相結以隱隱括進之謂也與其譽堯而非

桀不如兩忘而閉其所譽閉者閉塞反无非傷

也動无非邪也順之則全靜之則正聖人躊躇以興事

以每成功事不遠本故其功每成奈何哉其載焉終矜

爾矜不可載故遺而非有也宋元君夜半而夢人被髮闚

阿門曰予自宰路之淵予為清江使河

伯之所漁者余且得予元君覺使人占

張成並有易字

智困

余預且十餘反

風

六

无用之用

廁側又音測

之曰此神龜也君曰漁者有余且乎左

右曰有君曰令余且會朝明日余且朝

君曰漁何得對曰且之網得白龜焉其

圓五尺君曰獻若之龜龜至君再欲殺

之再欲活之心疑卜之曰殺龜以下吉

乃刻龜七十二鑽而无遺筭仲尼曰神

龜能見夢於元君而不能避余且之網

知能七十二鑽而无遺筭不能避刻腸

之患如是則知有所困神有所不及也

神知之不足恃也如是夫唯靜然居其所能而不營於外者為全 雖有至知萬人謀之

不用其知而用衆謀 魚不畏網而畏鸚鵡網无情故得魚 去小知

而大知明小知自私大知任物 去善而自善矣去善則善无所慕善无所慕則

善者不矜而自善也 嬰兒生无石師而能言與能言者

處也汎然无習而自能者非跛而學彼也 惠子謂莊子曰子言无

用莊子曰知无用而始可與言用矣夫

地非不廣且大也人之所用容足耳然

則廁足而墊之致黃泉人尚有用乎惠

子曰无用莊子曰然則无用之為用也

亦明矣聖應其內當事而發已言其外以暢事情情暢則事通外明則內用相頌之理然也 莊子曰人

有能遊且得不遊乎人而不能遊且得

莊子九

四

道八

遊乎

性之所能不得不為也性所不能不得強為故

夫流遁之

志決絕之行噫其非至知厚德之任與

非至厚則莫能任其志行而信其殊能也

覆墜而不反火馳而不顧人之所好

不避是非

雖相與為君臣時也易世而无以

相賤

所以為大齊同

故曰至人不留行焉

唯所遇而因之故能與化俱

夫尊古而卑今學者之流也

古无所尊今无所卑而學者尊古而卑今

失其原矣

且以稀韋氏之流觀今之世夫孰能

不波

隨時因物乃平泯也

唯至人乃能遊於世而不僻

順人而不失已

本无我我何失焉

彼教不學

教因彼性

承意不彼

彼意自然故承而用之

目徹為明耳

內通

徹為聰鼻徹為顫口徹為甘心徹為知

止則跼

當通而塞則理有不泄而相騰踐也

則眾害生

生起也

物之

有知者恃息

凡根生者无知亦作恃息也

其不毅非天之罪

勢當也夫息不由知由知然後失當失當而後不通故知恃息息不恃知也然知欲之用制之由人非不得已之符也

天之穿

之日夜无降

通理有常運

人則顧塞其竇

无性在天實乃開

胞有重閭

閭空曠也

心有天遊

遊不係也

室无空虚則

婦姑勃谿

爭處也

心无天遊則六鑿相攘

攘逆

大林丘山之善於人也亦神者不勝

自然之理

有寄物而通也

德溢乎名

夫名高則利深故脩德者過其常

名溢乎暴

夫禁暴則

流遁

稀 虛豈反

顫 舒延反

跼 女展反

鑿 存報反

林張作材

識賢

鈹七遙反削也

鐸乃豆反

皆子斯反

滅滅

駮戶楷反

遠真

蕩性

跋存古躡字

踣芳附反

忘荃

名美於德謀稽乎誑誑急也急而後考其謀知出乎爭平往則無用知柴

生乎守柴塞也官事果乎眾宜眾之所宜者不故官事立也春雨

日時草木怒生鈹鐸於是乎始脩夫事物之生皆有由

草木之到植者過半而不知其然夫事由理發故不覺

靜然可以補病非不病也皆滅可以休老非不老也寧

可以止遽非不遽也雖然若是勞者之務也非

佚者之所未嘗過而問焉若是猶有勞故佚者超然不顧聖人

之所以駮天下神人未嘗過而問焉神人即聖

人也聖言其外神言其內賢人所以駮世聖人未嘗過而

問焉君子所以駮國賢人未嘗過而問

焉小人所以合時君子未嘗過而問焉

趨步各有分高下各有等演門有親死者以善毀爵為官

師其黨人毀而死者半真實而孝去真遠生新尚賢之過也堯與

許由天下許由逃之湯與務光務光怒

之紀他聞之帥弟子而跋於窵水諸侯

弔之三年申徒狄因以踣河其波蕩傷性遂至於此荃

者所以在魚得魚而忘荃蹄者所以在

兔得兔而忘蹄言者所以在意得意而

忘言吾安得夫忘言之人而與之言哉

至於兩聖無意乃都無所言也

莊子雜篇寓言第二十七

郭象注

寓言十九

寄人他人則十言而九見信

重言十七

世之所重則十言而七見信

卮

言日出和以天倪

夫卮滿則傾空則仰非特故也況之於言因物隨變唯彼之從故曰日出日出謂日

守道
倪謹又音

新也日新則盡其自然之分自然之分盡則和也

寓言十九藉外論之

言出於已俗多不受

故借外耳肩吾連叔之類皆所借者也

親父不為其子媒親父譽言之

不若非其父者也

父之譽子誠多不信然時有信者輒以常嫌見疑故借外論也

非吾

罪也人之罪也

已雖信而懷常疑者猶不受寄之彼人則信之入之聽有斯累也

與已

同則應不與已同則反

互相非也

同於已為是

之異於已為非之

三異同處而二異訟其所取是必於不訟者俱異耳而獨信其所是非借外如何

重言十七所以已言也是為者曰艾

以其者艾故俗共重

年十九

之雖使言不借外猶十信其七

年先矣而无經緝本末以期年

者者是非先也

年在物先耳其餘本末无以待人則非所以先也期待也

人而无

以先人无人道也人而无人道是之謂

陳人

直是陳久之人耳而俗便共信之此俗之所以為安故而習常也

卮言日出和以

天倪因以曼衍所以窮年

夫自然有分而是非无主无主則曼衍矣誰能定之

哉故曠然无懷因而任之所以各終其天年

不言則齊齊與言不齊言

與齊不齊也

付之於物而就用其言則彼此是非居然自齊若不能因彼而立言以齊之則我與萬物復不齊耳

故曰无言

言彼所言故雖有言而我竟不言也

言无言終身言未

嘗不言

雖出吾口皆彼言耳

終身不言未嘗不言

據出我口有

自也而可有自也而不可有自也而然

衍以戰反

蓋

時化

則陽篇六十化

蓋悟又五各反

有自也而不然惡乎然然於然惡乎不

然不然於不然惡乎可可於可惡乎不

可不可於不可自由也由彼我之情偏故有不可物固有所然

物固有所可各自自然无物不然无物不可

統而言之則无可无不非厄言日出和以天倪孰

得其久夫唯言隨物制而任其天然之分者能无天落萬物皆種也以不

同形相禪雖變化相代原其氣則一始卒若環於今為始者於昨已復為卒也莫

得其倫理自爾故莫得是謂天均天均者天倪也

夫均齊者豈妄哉皆天然之分莊子謂惠子曰孔子行年六十

而六十化與時俱也始時所是卒而非之時變則俗情亦變乘

物以遊心者豈異於俗哉未知今之所謂是之非五十九

非也變者不停是不可常惠子曰孔子勤志服知也謂孔子勤

志服膺而後知非能任其自化也此明惠子不及聖人之韻遠矣莊子曰孔子謝之矣

而其末之嘗言謝變化之自爾非知力之所為故隨時任物而不造言也孔子云

夫受才乎大本復靈巫以生若役其才知而不復鳴其本靈則生亡矣

而當律言而當法鳴者律之所生言者法之所出而法律者衆之所為聖人就用之耳故无不當而未

之嘗言未之嘗為也利義陳乎前而好惡是非直服人

之口而已矣服用也我无言也我之所言直用人口之耳好惡是非利義之陳未始出吾口也使人

乃以心服而不敢蓋立定天下之定口所

心既用衆人之口則衆人之心用矣我順衆心則衆心信矣誰敢逆立哉吾因天下之自定而定之又何為乎已乎已乎

幸三九

八

全六四

係祿

獨化
叙學

張有彩字

吾且不得及彼乎

因而乘之故无不及

曾子再仕而心

再化曰吾及親仕

三釜而心樂後仕三

千鍾不泊吾心悲

泊及也

弟子問于仲尼曰

若參者可謂无所縣其罪乎

縣係也謂參仕以為親无係祿之罪也

曰既已縣矣

係於祿以養也

夫无所縣者可以有

哀乎

夫養親以適不問其具若能无係則不以貴賤經懷而平和怡暢盡色養之宜矣

彼視三釜三

千鍾如觀雀蚊虻相過乎前也

彼謂无係也夫无係者視榮祿

若蚊虻鳥雀之在前而過去耳豈有哀樂於其間哉

顏成子游謂東郭子綦曰

自吾聞子之言

不自專也

一年而野

外權利也

二年而從

三年而通

通彼我也

四年而物

與物同也

五年而來

六年而鬼入

外形骸也

七年而天成

无所復為

八年

而不知死不知生

所遇皆適而安

九年而大妙

妙善也善

惡同故无往而不真此言以聞道知天籟之自然將忽然自忘則穢累日去以至於盡耳

生有為死也

生而有為

則喪其生

勸公以其死也有自也

自由也由有為故死由私其生故有為今所以勸公

者以其死之由私耳

而生陽也无自也

夫生之陽遂以其絕迹无為而忽然獨爾非由有也

而

果然乎惡乎其所適惡乎其所不適

然而果然

故无適无不適而後皆適皆適而至也

天有歷數地有人據吾惡乎

求之

皆已自足

莫知其所終若之何其无命也

理必自終不由於知非命如何

莫知其所始若之何其有命也

不知其所以然而然謂之命似若有意也故又遣命之名以明其自爾而後命理全也

有以相應也若

獨化

叟本作搜亦音叟動貌

去驕

睢呼維反又許圭反又
盱香于反又許吳反又音虛

之何其无鬼邪理必有應若有神靈以致也无以相應也若

之何其有鬼邪理自相應相應不由於故也則雖相應而无靈也衆罔兩問

於影曰若向也俯而今也仰向也括而

今也被髮向也坐而今也起向也行而

今也止何也影曰叟叟也奚稍問也動運自爾

予有而不知其所以自爾故不知所以子蜩甲也

蛇蛻也似之而非也影似形而非形火與日吾屯

也陰與夜吾代也彼吾所以有待邪而

況乎以有待者乎推而極之則今之所謂有待者率至於无待而獨化之理彰矣彼來

則我與之來彼往則我與之往彼強陽

則我與之強陽強陽者又何以有問乎本元

直自強陽運動相隨往來耳无意不可問也陽子居南之沛老聃西遊

於秦邀於郊至於梁而遇老子老子中

道仰天而歎曰始以汝為可教今不可

也陽子居不荅至舍進盥漱巾櫛脫履

戶外膝行而前曰向者弟子欲請夫子

夫子行不問是以不敢今間矣請問其

過老子曰而睢睢盱盱而誰與居睢睢盱盱跋扈之貌

人將畏難而疏遠大白若辱盛德若不足陽子居楚

然變容曰敬聞命矣其往也舍者迎將

家公主人公也一讀舍者迎將其家為句

高

讓王

治內

處身

自得

高蹈

其家公執席妻執巾擲舍者避席煬者
避竈尊形自異故憚而避之也其反也舍者與之爭席矣

去其夸矜故也

莊子雜篇讓王第二十八 郭象注

堯以天下讓許由許由不受又讓於子
州支父子州支父曰以我為天子猶之
可也雖然我適有幽憂之病方且治之
未暇治天下也夫天下至重也而不以
害其生又況他物乎唯无以天下為者
可以託天下也舜讓天下於子州支伯

卷之九

二

天辨

子州支伯曰予適有幽憂之病方且治
之未暇治天下也故天下大器也而不
以易生此有道者之所以異乎俗者也
舜以天下讓善卷善卷曰余立於宇宙
之中冬日衣皮毛夏曰衣葛絺春耕種
形足以勞動秋收斂身足以休食日出
而作日入而息逍遙於天地之間而心
意自得吾何以天下為哉悲夫子之不
知余也遂不受於是去而入深山莫知
其處舜以天下讓其友石戶之農石戶

尊生

惡患

之農曰捲捲乎后之爲人葆力之士也。以舜之德爲未至也。於是夫負妻戴攜子以入於海。終身不反也。大王亶父居邠。狄人攻之。事之以皮帛而不受。事之以犬馬而不受。事之以珠玉而不受。狄人之所求者土地也。大王亶父曰。與人之兄居而殺其弟。與人之父居而殺其子。吾不忍也。子皆勉居矣。爲吾臣與。爲狄人臣。奚以異。且吾聞之。不以所用養害所養。因杖策而去之。民相連而從之。遂成國於岐山之下。夫大王亶父可謂能尊生矣。能尊生者。雖貴富不以養傷身。雖貧賤不以利累形。今世之人。居高官尊爵者。皆重失之。見利輕亡其身。豈不惑哉。越人三世弑其君。王子搜患之。逃乎丹穴。而越國无君。求王子搜不得。從之丹穴。王子搜不肯出。越人薰之以艾。乘以王輿。王子搜援綏登車。仰天而呼曰。君乎。君乎。獨不可以舍我乎。王子搜非惡爲君也。惡爲君之患也。若王子

知輕重

完身

直鹿離又七
餘反

土救雅反又片
賈行賈二
反

搜者可謂不以國傷生矣。此固越人之
 所欲得為君也。韓魏相與爭侵地。子華
 子見昭僖侯。昭僖侯有憂色。子華子曰。
 今使天下書銘於君之前。書之言曰。左
 手攫之則右手廢。右手攫之則左手廢。
 然而攫之者必有天下。君能攫之乎。昭
 僖侯曰。寡人不攫也。子華子曰。甚善。自
 是觀之。兩辭重於天下也。身亦重於兩
 辭。韓之輕於天下亦遠矣。今之所爭者
 其輕於韓又遠。君固愁身傷生以憂戚
 不得也。僖侯曰。善哉。教寡人者眾矣。未
 嘗得聞此言也。子華子可謂知輕重矣。
 魯君聞顏闔得道之人也。使人以幣先
 焉。顏闔守陋閭。苴布之衣。而自飯牛。魯
 君之使者至。顏闔自對之。使者曰。此顏
 闔之家與。顏闔對曰。此闔之家也。使者
 致幣。顏闔對曰。恐聽者謬而遺使者罪。
 不若審之。使者還。反審之。復來求之。則
 不得已。故若顏闔者。真惡富貴也。故曰。
 道之真。以治身。其緒餘。以為國家。其土

首側雅反又紐
雅反

遠非義

遵法度

說如字
音悅或

直以治天下。由此觀之。帝王之功。聖人
 之餘事也。非所以完身養生也。今世俗
 之君子。多危身棄生。以殉物。豈不悲哉。
 凡聖人之動作也。必察其所以之。與其
 所以為。今且有人於此。以隨侯之珠。彈
 千仞之雀。世必笑之。是何也。則其所用
 者重。而所要者輕也。夫生者。豈特隨侯
 之重哉。子列子窮。容貌有飢色。客有言
 之於鄭子陽者。曰。列御寇蓋有道之士
 也。居君之國而窮。君无乃為不好士乎。
 鄭子陽即令官遺之粟。子列子見使者。
 再拜而辭。使者去。子列子入。其妻望之
 而拊心。曰。妾聞為有道者之妻子。皆得
 佚樂。今有飢色。君過而遺先生食。先生
 不受。豈不命邪。子列子笑。謂之曰。君非
 自知我也。以人之言。而遺我粟。至其罪
 我也。又且以人之言。此吾所以不受也。
 其卒民果作難。而殺子陽。楚昭王失國。
 屠羊說走而從於昭王。昭王反國。將賞
 從者。及屠羊說。屠羊說曰。大王失國。說

二非二九

古

莊子

華 胡化反

守節

失屠羊大王反國。說亦反屠羊。臣之爵
祿已復矣。又何賞之有。王曰。強之屠羊。
說曰。大王失國。非臣之罪。故不敢伏其
誅。大王反國。非臣之功。故不敢當其賞。
王曰。見之屠羊。說曰。楚國之法。必有重
賞大功。而後得見。今臣之知不足。以存
國而勇不足。以死寇。吳軍入郢。說畏難
而避寇。非故隨大王也。今大王欲廢法
毀約。而見說。此非臣之所以聞於天下
也。王謂司馬子綦曰。屠羊說居處卑賤。

莊子九

五

連五

而陳義甚高。子其為我延之。以三旌之
位。屠羊說曰。夫三旌之位。吾知其貴於
屠羊之肆也。萬鍾之祿。吾知其富於屠
羊之利也。然豈可以貪爵祿而使吾君
有妄施之名乎。說不敢當。願復反吾屠
羊之肆。遂不受也。原憲居魯。環堵之室。
茨以生草。蓬戶不完。桑以為樞。而甕牖
二室。褐以為塞。上漏下濕。匡坐而弦。子
貢乘大馬。中紺而表素。軒車不容巷。往
見原憲。原憲華冠緹履。杖藜而應門。子

緹所倚反或所買反

貢曰：嘻！先生何病？原憲應之曰：憲聞之，
 无財謂之貧，學而不能行謂之病。今憲
 貧也，非病也。子貢逡巡而有愧色。原憲
 笑曰：夫希世而行，比周而友，學以為人，
 教以為己，仁義之慝，輿馬之飾，憲不忍
 為也。曾子居衛，緼袍无表，顏色腫噲，手
 足胼胝，三日不舉火，十年不製衣，正冠
 而纓絕，捉衿而肘見，納屨而踵決，曳絰
 而歌，商頌聲滿天地。若出金石。天子不
 得臣，諸侯不得友，故養志者忘形，養形
 者忘利。致道者忘心矣。孔子謂顏回曰：
 回來！家貧居卑，胡不仕乎？顏回對曰：不
 願仕。回有郭外之田五十畝，足以給飪
 粥；郭內之田十畝，足以為絲麻。鼓琴足
 以自娛，所學夫子之道者，足以自樂也。
 回不願仕。孔子愀然變容曰：善哉！回之
 意，丘聞之。知足者不以利自累也，審自
 得者失之而不懼。行脩於內者，无位而
 不忤。丘誦之久矣。今於回而後見之，是
 丘之得也。中山公子牟謂瞻子曰：身在

華子九

十六

連立

趣高

道樂

江海之上。心居乎魏闕之下。奈何。瞻子曰。重生。重生則利輕。中山公子牟曰。雖知之。未能自勝也。瞻子曰。不能自勝。則從神。无惡乎。不能自勝。而強不從者。此之謂重傷。重傷之人。无壽類矣。魏牟。萬乘之公子也。其隱巖穴也。難爲於布衣之士。雖未至乎道。可謂有其意矣。孔子窮於陳蔡之間。七日不火食。藜藿不糝。顏色甚憊。而弦歌於室。顏回擇菜。子路子貢相與言曰。夫子再逐於魯。削迹於衛。伐樹於宋。窮於商周。圍於陳蔡。殺夫子者。无罪。藉夫子者。无禁。弦歌鼓琴。未嘗絕音。君子之无恥也。若此乎。顏回无以應。入告孔子。孔子推琴喟然而歎曰。由與賜。細人也。召而來。吾語之。子路子貢入。子路曰。如此者。可謂窮矣。孔子曰。是何言也。君子通於道之謂通。窮於道之謂窮。今丘抱仁義之道。以遭亂世之患。其何窮之爲。故內省而不窮於道。臨難而不失其德。天寒既至。霜雪既降。吾

死湯又譚務光曰知者謀之武者遂之仁者居之古之道也吾子胡不立乎務光辭曰廢上非義也殺民非仁也人犯其難我享其利非廉也吾聞之曰非其義者不受其祿无道之世不踐其土況尊我乎吾不忍久見也乃負石而自沈

於廬水

舊說曰如下隨務光者其視天下也若六合外人所不能察也斯則謬矣夫輕天下者不得有所重也苟无所重則无死地矣

以天下為六合之外故當付之堯舜湯武耳淡然无係故汎然從眾得失无繫於懷何自投之為哉若二子者可以為殉名慕高矣未可謂外天下也昔

周之興有士二人處於孤竹曰伯夷叔齊二人相謂曰吾聞西方有人似有道

者試往觀焉至於岐陽武王聞之使叔

旦往見之與盟曰加富二等就官一列

血牲而埋之二人相視而笑曰嘻異哉

此非吾所謂道也昔者神農之有天下

也時祀盡敬而不祈喜其於人也忠信

盡治而无求焉樂與政為政樂與治為

治不以人之壞自成也不以人之卑自

高也不以遭時自利也今周見殷之亂

而遽為政上謀而下行貨阻兵而保威

割牲而盟以為信揚行以悅眾殺伐以

要利是推亂以易暴也吾聞古之士遭
治世不避其任遇亂世不為苟存今天
下闇周德衰其並乎周以塗吾身也不
如避之以絜吾行二子北至於首陽之
山遂餓而死焉若伯夷叔齊者其於富
貴也苟可得已則必不賴高節戾行獨
樂其志不事於世此二士之節也

論語曰伯夷叔齊餓

于首陽之下不言其死也而此云死焉亦欲明其守餓以終未必餓死也此篇大意以起高譴遠退之風故被其風者雖貪冒之人乘天衢入紫庭猶時慨然中路而歎况其凡乎故夷許之徒足以當稷契對伊呂矣夫居山谷而弘天下者雖不俱為聖佐不猶高於蒙埃塵者乎其事雖難為然其風少弊故可遺也曰夷許之弊安在曰許由之弊使人飾讓以求進遂至乎之噲也伯夷之風使暴虐之君得肆其毒而莫之敢元也伊呂之弊使天下貪冒之雄敢行篡逆唯然則所謂聖者我本无迹故物得其迹迹得而強名聖則聖者乃无迹之名也

卷二十九

三

郭象注

莊子雜篇盜跖第二十九 郭象注

孔子與柳下季為友柳下季之弟名曰
盜跖盜跖從卒九千人橫行天下侵暴
諸侯穴室樞戶驅人牛馬取人婦女貪
得忘親不顧父母兄弟不祭先祖所過
之邑大國守城小國入保萬民苦之孔
子謂柳下季曰夫為人父者必能詔其
子為人兄者必能教其弟若父不能詔

其子兄不能教其弟則无貴父子兄弟之親矣。今先生世之才士也。弟爲盜跖爲天下害而弗能教也。丘竊爲先生羞之。丘請爲先生往說之。柳下季曰：先生言爲人父者必能詔其子，爲人兄者必能教其弟。若子不聽父之詔，弟不受兄之教，雖今先生之辯將奈之何哉？且跖之爲人也，心如涌泉，意如飄風，強足以距敵，辯足以飾非，順其心則喜，逆其心則怒，易辱人以言。先生必无往。孔子不

聽。顏回爲馭，子貢爲右。往見盜跖。盜跖乃方休卒，徒太山之陽，膾人肝而脯之。孔子下車而前，見謁者曰：魯人孔丘聞將軍高義，敬再拜謁者。謁者入通盜跖。聞之大怒，目如明星，髮上指冠，曰：此夫魯國之巧僞人孔丘，非邪？爲我告之。爾作言造語，妄稱文武，冠枝木之冠，帶死牛之脅，多辭謬說，不耕而食，不織而衣，搖脣鼓舌，擅生是非，以迷天下之主，使天下學士不反其本，妄作孝悌而傲倖。

於封侯富貴者也。子之罪大極重，疾走歸。不然，我將以子肝益晝舖之膳。孔子復通曰：丘得幸於季，願望履幕下。謁者復通盜跖曰：使來前。孔子趨而進，避席反走。再拜盜跖曰：盜跖大怒，兩展其足，案劍瞋目，聲如乳虎。曰：丘來前，若所言，順吾意則生，逆吾心則死。孔子曰：丘聞之，凡天下有三德：生而長大，美好无雙，少長貴賤見而皆悅之，此上德也；知維天地，能辯諸物，此中德也；勇悍果敢，聚眾

率兵，此下德也。凡人有此一德者，足以南面稱孤矣。今將軍兼此三者，身長八尺二寸，面目有光，脣如激丹，齒如齊貝，音中黃鍾，而名曰盜跖。丘竊為將軍恥，不取焉。將軍有意聽臣，臣請南使吳越，北使齊魯，東使宋衛，西使晉楚，使為將軍造大城數百里，立數十萬戶之邑，尊將軍為諸侯，與天下更始，罷兵休卒，收養昆弟，共祭先祖。此聖人才士之行，而天下之願也。盜跖大怒曰：丘來前，夫可

規以利而可諫以言者皆愚陋恒民之謂耳今長大美好人見而悅之者此吾父母之遺德也丘雖不吾譽吾獨不自知邪且吾聞之好面譽人者亦好背而毀之今丘告我以大城衆民是欲規我以利而恒民畜我也安可長久也城之大者莫大乎天下矣堯舜有天下子孫无置錐之地湯武立爲天子而後世絕滅非以其利大故邪且吾聞之古者禽獸多而人民少於是民皆巢居以避之

晝拾橡栗暮栖木上故命之曰有巢氏之民古者民不知衣服夏多積薪冬則煬之故命之曰知生之民神農之世卧則居居起則于于民知其母不知其父與麋鹿共處耕而食織而衣无有相害之心此至德之隆也然而黃帝不能致德與蚩尤戰於涿鹿之野流血百里堯舜作立羣臣湯放其主武王殺紂自是之後以強陵弱以衆暴寡湯武以來皆亂人之徒也今子脩文武之道掌天下

之辯以教後世。縫衣淺帶，矯言僞行，以
迷惑天下之主，而欲求富貴焉。盜莫大
於子。天下何故不謂子爲盜？立而乃謂
我爲盜。跖子以甘辭說子路，而使從之。
使子路去其危冠，解其長劍，而受教於
子。天下皆曰：孔丘能止暴禁非，其卒之
也。子路欲殺衛君，而事不成，身蒞於衛
東門之上。是子教之不至也。子自謂才
士，聖人邪，則再逐於魯，削跡於衛，窮於
齊，圍於陳，蔡不容身於天下。子教子路

蒞此患，上无以爲身，下无以爲人。子之
道，豈足貴邪？世之所高，莫若黃帝、黃帝
尚不能全德，而戰涿鹿之野，流血百里。
堯不慈，舜不孝，禹偏枯，湯放其主，武王
伐紂，文王拘羑里。此六子者，世之所高
也。孰論之，皆以利惑其真，而強反其情
性。其行乃甚可羞也。世之所謂賢士，伯
夷、叔齊、伯夷、叔齊、辭孤竹之君，而餓死
於首陽之山，骨肉不葬。鮑焦飾行，非世
抱木而死。申徒狄諫而不聽，負石自投。

於河爲魚鼈所食。介子推至忠也。自割其股以食文公。文公後背之。子推怒而去。抱木而燔死。尾生與女子期於梁下。女子不來。水至不去。抱梁柱而死。此四子者。无異磔犬流豕。操瓢而乞者。皆離名輕死。不念本養壽命者也。世之所謂忠臣者。莫若王子比干。伍子胥。子胥沈江。比干剖心。此二子者。世謂忠臣也。然卒爲天下笑。自上觀之。至于子胥比干。皆不足貴也。丘之所以說我者。若告我以鬼事。則我不能知也。若告我以人事者。不過此矣。皆吾所聞知也。今吾告子以人之情。目欲視色。耳欲聽聲。口欲察味。志氣欲盈。人上壽百歲。中壽八十。下壽六十。除病瘦死喪憂患。其中開口而笑者。一月之中。不過四五日而已矣。天與地无窮。人死者。有時。操有時之具。而託於无窮之間。忽然无異騏驥之馳過隙也。不能悅其志意。養其壽命者。皆非通道者也。丘之所言。皆吾之所棄也。至

去走歸无復言之子之道狂狂侈侈詐

巧虛偽事也非可以全真也矣足論哉

孔子再拜趨走出門上車執轡三失目

芒然无見色若死灰據軾低頭不能出

氣歸到魯東門外適遇柳下季柳下季

曰今者闕然數日不見車馬有行色得

微往見跖邪孔子仰天而歎曰然柳下

季曰跖得无逆汝意若前乎孔子曰然

丘所謂无病而自灸也疾走料虎頭編

虎須幾不免虎口哉此篇寄明因衆之所欲立而亡之雖王紂可去也不因衆而獨用已雖盜

跖不可御也子張問於滿苟得曰盍不為行无

行則不信不信則不任不任則不利故

觀之名計之利而義真是也若棄名利

反之於心則夫士之為行不可一日不

為乎滿苟得曰无恥者富多信者顯夫

名利之大者幾在无恥而信故觀之名

計之利而信真是也若棄名利反之於

心則夫士之為行抱其天平子張曰昔

者桀紂貴為天子富有天下今謂臧聚

曰汝行如桀紂則有忤色有不服之心

者。小人所賤也。仲尼墨翟窮為匹夫。今謂宰相曰。子行如仲尼墨翟。則變容易色。稱不足者。士誠貴也。故勢為天子。未必貴也。窮為匹夫。未必賤也。貴賤之分。在行之美惡。滿苟得曰。小盜者拘。大盜者為諸侯。諸侯之門。義士存焉。昔者桓公小白殺兄入嫂。而管仲為臣。田成子常殺君竊國。而孔子受幣。論則賤之行。則下之。則是言行之情。悖戰於曾中也。不亦拂乎。故書曰。孰惡孰美。成者為首。

莊子九

二十七

卷形

不成者為尾。子張曰。子不為行。即將䟽戚。无倫。貴賤无義。長幼无序。五紀六位。將何以為別乎。滿苟得曰。堯殺長子。舜流母弟。䟽戚有倫乎。湯放桀。武王殺紂。貴賤有義乎。王季為適。周公殺兄。長幼有序乎。儒者偽辭。墨者兼愛。五紀六位。將有別乎。且子正為名。我正為利。名利之實。不順於理。不監於道。吾日與子訟於无約。曰。小人殉財。君子殉名。其所以變其情。易其性。則異矣。乃至於棄其所

為而殉其所不為則一也。故曰：死為小
反殉而天，死為君子；從天之理，若枉
若直，相而天極，面觀四方，與時消息，若
是若非，執而圓機，獨成而意與道徘徊，
死轉而行，死成而義將失，而所為死赴
而富，死殉而成，將棄而天。比干剖心，子
胥抉眼，忠之禍也。直躬證父，尾生溺死，
信之患也。鮑子立軋，申子不自理，廉之
害也。孔子不見母，匡子不見父，義之失
也。此上世之所傳，下世之所語，以為士

莊子

卷之九

此

者正其言，必其行，故服其殃，離其患也。

此章言尚行則行矯貴士則士偽故護行賤士以全其內然後行高而士貴耳

死足問於知和曰

人卒未有不興名就利者。彼富則人歸
之，歸則下之；下則貴之。夫見下貴者所
以長生安體樂意之道也。今子獨无意
焉，知不足邪？意知而力不能行邪？故推
正，不忘邪？知和曰：今夫此人以為與已
同時而生，同鄉而處者，以為夫絕俗過
世之士焉，是專死主正，所以覽古今之
時是非之分也。與俗化世去，至重棄至

尊以為其所為也。此其所以論長生安
體樂意之道。不亦遠乎。慘怛之疾恬愉
之安。不監於體。怵惕之恐。欣懽之喜。不
監於心。知為為而不知所以為。是以貴
為天子。富有天下。而不免於患也。无足
曰。夫富之於人。无所不利。窮美究勢。至
人之所不得逮。賢人之所不能及。俠人
之勇力。而以為威強。秉人之知謀。以為
明察。因人之德。以為賢良。非享國而嚴
若君父。且夫聲色滋味權勢之於人心。

不待學而樂之。體不待象而安之。夫欲
惡避就。固不待師。此人之性也。天下雖
非我孰能辭之。知和曰。知者之為。故動
以百姓。不違其度。是以足而不爭。无以
為故。不求不足。故求之爭。四處而不自
以為貪。有餘故辭之。棄天下而不自以
為廉。廉貪之實。非以迫外也。反監之度
勢為天子。而不以貴驕人。富有天下。而
不以財戲人。計其患。慮其反。以為害於
性。故辭而不受也。非以要名譽也。堯舜

噉口薄反

倭 礙

馮 憤憤滿也 下同言憤 高不通之氣也

醮 在通反

劫 許業反

為帝而雍非仁天下也不以美害生也
 善卷許由得帝而不受非虛辭讓也
 不以事害己此皆就其利辭其害而天下
 稱賢焉則可以有之彼非以興名譽也
 无足曰必持其名苦體絕甘約養以持
 生則亦久病長阨而不死者也知和曰
 平為福有餘為害者物莫不然而財其
 甚者也今富人耳營鍾鼓管籥之聲口
 噉於芻豢醪醴之味以感其意遺忘其
 業可謂亂矣倭溺於馮氣若負重行而
 上也可謂苦矣貪財而取慰貪權而取
 竭靜居則溺體澤則馮可謂疾矣為欲
 富就利故滿若堵耳而不知避且馮而
 不舍可謂辱矣財積而无用服膺而不
 舍滿心戚醮求益而不止可謂憂矣內
 則疑劫請之賊外則畏寇盜之害內周
 樓䟽外不敢獨行可謂畏矣此六者天
 下之至害也皆遺忘而不知察及其患
 至求盡性竭財單以反一日之无故而
 不可得也故觀之名則不見求之利則

卷二十一

十一

論

張有 意亦

繚了

不得繚意絕體而爭此不亦惑乎

此章三句是者常足

南華真經卷第九

